

Konkurs Pune Punëtor Social për Komunën e Prizrenit

Terre des hommes Delegacioni në Kosovë po kërkon të rekrutojë Punëtor Social për Komunën e Prizrenit për projektin “Rrjeti i Sigurt për Mbrojtjen e Fëmijëve Faza 3”.

Data e fillimit të punës: Sa më parë të jetë e mundur

Kohëzgjatja: 1 vit me mundësi vazhdimi

Kushtet gjenerale: Kontratë pune me afat të caktuar kohor

INFORMATË PËR TDH:

Fondacioni Terre des hommes (Tdh) është fondacion zvicerian që punon në fushën e mbrojtjes së fëmijëve në Kosovë që nga viti 1999. Gjatë kësaj periudhe, Tdh përmes projekteve të ndryshme ka mbështetur nivelin qendror dhe atë lokal në përmirësimin e ofrimit të shërbimeve për familjet dhe fëmijët në nevojë. Lidhur me këtë, Projekti “Rrjeti i Sigurt për Mbrojtjen e Fëmijëve – Faza III”, më kohëzgjatje Janar 2017 - Dhjetor 2019 (3 vite), më shtrirje në të gjitha komunat e Kosovës ka për qëllim përmirësimin e sistemit për mbrojtjen e fëmijëve. Pra, fokusi kryesor i këtij projekti do të jetë: për të ndihmuar në zbatimin e ligjit të ri për mbrojtjen e fëmijëve, për të zhvilluar legjislacionin dytësor, për të siguruar ekspertizën e nevojshme teknike, për të zhvilluar shërbime të reja të specializuara si dhe për të ndërtuar infrastrukturën për mekanizmat e monitorimit dhe llogaridhënies. Me qëllim të ofrimit të mbrojtjes së fëmijëve nga forma të gjitha format e abuzimit, shfrytëzimit, trafikimit dhe fenomeneve tjera Terre des hommes ka firmosur Marreveshjen e Bashkëpunimit me Komunën e Prizrenit, e cila përfshin angazhimin e një punëtori social pranë Qendrës për Punë Sociale të Prizrenit, fokusi i të cilit do të jetë vetëm në rastet e mbrojtjes së fëmijëve.

PËRSHKRIMI I PUNËS:

I. Funksione thelbësore të punës së pozitës së hapur:

- Titullari do të kryejë detyrat e tij ose të saj në lidhje me kartën e Terre des hommes dhe Politikën e Tdh për Mbrojtjen e Fëmijëve.
- Terre des hommes pret që sjellja profesionale e punonjësve të reflektojë sjelljen e duhur në përputhje me traditat Kosovare dhe traditat lokale.
- Titullari siguron mbrojtjen morale të emrit të Terre des hommes dhe mbron në të gjitha rrethanat interesat e organizatës
- Titullari do të drejtojë aktivitetet dhe angazhimet e tij ose të saj pa u preokupuar me përkatësinë politike, racore apo fetare.
- E drejta për jetë, mbijetesë dhe zhvillim – ofrimi i mbrojtjes për zhvillimin fizik, mendor, emocional, edukativ si dhe mirëqenies së fëmijës.

- Interesi më i mirë i fëmijës – të gjitha veprimet që ndërmerren nga prindi, kujdestari apo insitucionet e tjera duhet të bazohen në interesin më të mirë të fëmijës në mënyrë që të sigurohet integriteti fizik, moral, psikologjik dhe shpirtëror i fëmijës. Kjo duhet të bazohet në Konventën për të drejtat e fëmijëve.
- Zhvillimi gradual i aftësive – Parimi i zhvillimit gradual të aftësive, duhet të merret parasysh dhe t'ju jepet rëndësia e duhur, në të gjitha veprimet dhe vendimet, që kanë të bëjnë me fëmijët, të marra nga institucionet, shërbimet për mbrojtjen e fëmijëvesi, nga profesionistët për mbrojtjen e fëmijëve, nga gjykatat, autoritetet administrative apo organet legjislative.
- Respektimi i pikëpamjes së fëmijës – në të gjitha veprimet dhe vendimet që ndërmerren nga prindërit, kujdestarët apo profesionistët e tjerë, duhet të sigurojnë liri për shprehjen e mendimit nga ana e fëmijës, që është i/e aftë t'i shprehë mendimet e tij/saj
- Ndalimi i diskriminimit të fëmijës – ndalimi i diskriminimit të drejtpërdrejt apo të tërthortë me bazë të gjinisë, përkatësisë etnike, sociale, racës, gjuhës, etj. Pra, duhet të sigurohet që të ofrojmë mbrojtje të fëmijës nga të gjitha format e diskriminimit në rastet kur ofrohen shërbime të ndryshme nga institucione/profesionistë të ndrrshëm, përfshirë punëtorin social, gjykatën, etj.

II. Përshkrim i detyrave të punës :

Menaxhimi i rasteve:

- Përgjegjës për zbatimin e politikave dhe strategjive të hartuara nga Ministria e Punës Mirëqenies Sociale si dhe në përputhje me ligjet e tjera të zbatueshme në Kosovë
- Mbrojtjen e fëmijëve me shtetësi kosovare që ndodhen brenda dhe jashtë territorit të Kosovës si dhe atyre pa shtetësi kosovare apo që nuk janë të regjistruar
- Menaxhimi i rasteve të fëmijëve ndaj çdo lloji forme abuzimi, neglizhimi, përjashtimi social, shfrytëzimi, trafikimi dhe fenomeneve të tjera që çenojnë zhvillimin dhe mirëqënien e fëmijëve
- Të kryejë vlerësimin fillestar të fëmijëve të referuar si në rrezik apo në nevojë, të hartojë planin e ndërhyrjes, të menaxhojë rastin dhe ta ndjekë atë në bashkëpunim me akterët përkatës të mbledhur në takimin për mbrojtjen e fëmijëve; nëpërmjet krijimit dhe zhvillimit të rrjetit mbrojtës dhe shërbimeve të komunitetit.
- Të organizojë rregullisht Takimin e TMR-se, i mbështetur nga Udhëheqësi Shërbimeve Sociale, ekipin multidisiplinar për të adresuar dhe koordinuar ndërhyrjen për rastet e fëmijëve në rrezik mesem/larte për mbrojtje.
- Të konsultohet dhe këshillohet rregullisht me supervizorin për të përcaktuar nivelin e rrezikut për rastet e fëmijëve në nevojë për mbrojtje, konsultimin për planin e ndërhyrjes, si dhe zbatimin e plotë të këtij plani ndërhyrjeje.
- Të konsultohet dhe këshillohet me përfaqësuesin e Tdh-së i caktuar për mentorim/këshillim gjatë gjithë periudhës së zbatimit të projektit
- Punëtori për mbrojtjen e fëmijëve në koordinim dhe bashkëveprim me strukturat dhe shërbimet përgjegjëse për mbrojtjen e fëmijëve, gjatë menaxhimit të rastit, vepron mbi bazën e procedurave të detajuara në Protokollin e Përbashkët të Punës për mbrojtjen e fëmijës
- Mbrojtjen e fëmijëve pa përkujdesje prindërore, birësim, strehim familjar, kujdestarinë, strehimin e përkohshëm familjar

- Bën mbrojtjen e fëmijëve më sjellje asociale dhe delikvente sikurse edhe fëmijëve me nevoja të vecanta
- Bën mbrojtjen e fëmijëve nga pornografia dhe dhuna kibernetike, nga substancat narkotike dhe psiko-aktive
- Shqyrton rastet e abuzimit dhe të lënies pas dore të fëmijëve, si dhe ndërmerrë veprimet e duhura për mbrojtjen e tyre;
- Shqyrton rastet e fëmijëve në situatë rrugë dhe të atyre që kërkojnë lëmoshë dhe ndërmerr masa për mbrojtjen e tyre;
- Bën propozimin për besimin e fëmijëve në raste të shkurorëzimit të prindërve dhe përcjellë realizimin e kontaktimeve
- Mbështetë, fuqizon dhe monitoron fëmijët në rrezik të ultë drejt riintegritit në shoqëri
- Identifikon dhe referon në Tryezat për Menaxhimin e Rasteve, fëmijët në rrezik të mesëm dhe të lartë të abuzimit, neglizhimit, trafikimit dhe atyre që janë në konflikt me ligjin,
- Ndërmerrë veprime dhe aktivitete parandaluese qoftë edukative, arsimore, sociale dhe ligjore në favor të fëmijës dhe familjes që është në rrezik apo i cënueshëm.

Vlerësimi dhe monitorimi:

- Kryen vlerësim gjithëpërfshirës të familjes dhe fëmijës në bazë të dokumenteve dhe formave për vlerësim që janë të përcaktuara në Protokollin e Punës ndërsektoriale
- Përdor forma dhe teknika të ndryshme në identifikimin e nevojave të familjes me theks te vecantë të fëmijës duke e pasur në fokus pjesëmarrjen e fëmijës gjatë procesit të vlerësimit
- Planifikon, koordinon dhe monitoron ofrimin e shërbimeve të fëmijës që ofrohen nga akterë të ndryshëm (për rastet që diskutohen në TMR). Bashkërisht me grupin shumë-disiplinar, përpilon planin e unifikuar të veprimit pas ndjekjes të të gjitha hapave të vlerësimit
- Bën rivlerësimin e rasteve me qëllim të matjes së progesit të fëmijës/familjes drejt arritjes së objektivave të parapara në planin e veprimit. Në rast se fëmija e ka kaluar rrezikun e mesëm/lartë, duhet të referohet dhe menaxhohet vetëm nga punëtori social dhe jo nga ekipi shumë-disiplinar për menaxhimin e rasteve
- Ofron shërbime sociale për fëmijët dhe familjet e tyre duke u bazuar në interesin më të lartë të fëmijës
- Referon rastet në institucione, organizata tjera në rast se fëmija ka nevojë për shërbime që nuk mund të ofrohen nga QPS: trajtim mjekësor, ndihmë direkte, etj.
- Të gjitha rastet e referuara dhe që janë në proces të menaxhimit nga QPS si dhe në kuadër të Tryezave për Menaxhimin e Rasteve, të evidentohen në dokumentet/format përkatëse si dhe në databazën e QPS-së.
- Mbanë kontakte të rregullta dhe mirëmbanë marrëdhënien e krijuar përmes vizitave të në familje që duhen bërë së paku një herë në muaj (varësisht nga rasti), takimeve brenda QPS-së me familjen dhe fëmijën
- Bashkëpunon me Qendrën Ditore të komunës përkatëse në referimin dhe mbikqyrjen e rasteve. Për më tepër, angazhohet në riintegrimin e fëmijëve pas qëndrimit të tyre në qendër apo strehimore të ndryshme

Kualifikimet dhe përvoja:

- Të ketë përgatitje universitare nga shkencat sociale sikurse: punë sociale, psikologji, sociologji, pedagogji.
- Të ketë ndjekur trajnime profesionale lidhur me ofrimin e shërbimeve sociale me theks te vecantë në mbrojtjen e fëmijëve.
- Përvojë pune si dhe njohuri në ofrimin e shërbimeve për fëmijë dhe familje të cënueshme
- Shkathtësi të mira të negociimit, ndërmjetësimit dhe zgjidhjes së konfliktit
- Shkathtësi të komunikimit dhe bashkëpunimit me grupe të ndryshme të profesionistëve dhe përfituesve të shërbimeve
- Shkathtësi kompjuterike (njohuri ne word, excel)
- Aftësi organizative dhe planifikuese
- E preferueshme, licencë si ofrues i shërbimeve sociale dhe familjare e dhënë nga Ministria e Punës dhe Mirëqenies Sociale
- E preferueshme, njohuri të gjuhës angleze, serbo-kroate dhe turke (në të folur dhe në të shkruar)

Kërkesa të përgjithshme:

- Të jenë shtetas Kosovar, banor i/e Prizrenit,
- Të kenë zotësi të plotë për të vepruar, të përmbushin kërkesat ligjore për nivelin arsimor dhe të zotërojnë aftësitë e nevojshme profesionale për vendin përkatës të punës,
- Të mos jenë dënuar me vendim të formës së prerë të gjykatës për kryerjen e një krimi dhe të mos jenë marrë prej tyre masa disiplinore të largimit nga shërbimi civil për shkak të një shkeljeje të rëndë disiplinore.

Për të aplikuar:

Aplikantët e kualifikuar janë të inkurajuar që të aplikojnë duke dorëzuar CV-në e tyre dhe letër motivuese në e-mail recruitment@tdhkosovo.org. Aplikimet për këtë pozitë pranohen nga data 07 Gusht 2017 deri më 16 Gusht, 2017. Ju lutem në subject të vendosni **“Punetor Social per Komunen e Prizrenit”**.

Politika për mbrojtjen e fëmijëve:

Të respektojë dhe të angazhohet në Menaxhimin e Rrezikut të TDH-së duke përfshirë: Politikën për Mbrojtjen e Fëmijëve, Politikën e Sigurimit , Politikën Anti-Mashtrim/Korrupsion.

Për shkak të numrit të madh të aplikacioneve, Tdh nuk është në gjendje t'i përgjigjet të gjithëve individualisht. Ju lutem vini re se vetëm kandidatët e përzgjedhur do të kontaktohen.